



Товч танилцуулга

ХҮД-ийн Нэгдсэн эмнэлэг нь 1980 оны 4-р сард Ажилчны Районы хүүхдийн нэгдсэн эмнэлэг нэртэйгээр анх байгуулагдан, хэвтэн эмчлэх 120 ортой, нэг ээлжиндээ 300 хүүхдэд үйлчлэх хүчин чадалтай поликлиниктэйгээр үйл ажиллагаагаа эхэлсэн байна.

1991 оны 4-р сард ЭМСайдын А/39, Улаанбаатар хотын АДХГЗ-ны 83-р тогтоолоор нийслэлийн дүүргүүдэд эрүүл мэндийн зөвлөх төвүүд байгуулагдаж, амбулатори поликлиникийн үйлчилгээг шилжүүлснээр хүүхдийн өвчний чиглэлээр хэвтэн эмчлэх үйлчилгээтэй Хүүхдийн 4-р эмнэлэг болж өөрчлөгдсөн.

Тус эмнэлгийг Эрүүл мэндийн Сайд, Нийслэлийн Засаг даргын 2001 оны 4-р сарын 24-ны өдрийн 98/197 тоот хамтарсан тушаал, захирамжаар

Дүүргийн нэгдсэн эмнэлэг болгон өөрчлөн зохион байгуулж, эмнэлгийн тусламж үйлчилгээний хүрээ, нэр төрлийг нэмэгдүүлсэн юм. Одоо тус эмнэлэг нь үйлчлэх хүрээний хүн амд хүүхэд, дотор-мэдрэл, мөс засал, уламжлалт эмчилгээ, оношлогооны чиглэлээр эмнэлгийн хоёрдогч шатлалын тусламжийг үзүүлдэг. Нийтдээ 80 гаруй эмч, эмнэлгийн ажилтан ажиллаж байгаагаас их эмч 19, сувилагч эмнэлгийн тусгай мэргэжилтэн 30 гаруй ажиллаж байна. Тус эмнэлэг нь хэвтүүлэн эмчлэх 115 ортой ажиллаж, жилдээ 40000 гаруй хүн эмчлэн, 41000 ор хоног ашигладаг. Манай эмнэлгийн хамт олон үйлчлүүлэгчдийн эрэлт хэрэгцээ шаардлагыг хангаж чадахуйц эмнэлгийн тусламж үйлчилгээг эелдэг шуурхай, чанарын өндөр түвшинд үзүүлэх зорилт тавин чармайн ажиллаж байна.

*танд итгэлийн илчийг
бид өгч,
таны итгэлийн галыг
бид бадраана.*

ДОТОР -МЭДРЭЛИЙН ТАСАГ

Дотрын тасаг нь анх 1993 онд 50 ортойгоор байгуулагдсан. Дүүргийн 4-8-р хорооны насанд хүрэгчдэд дотор, мэдрэлийн өвчний чиглэлээр эмнэлгийн тусламжийг үзүүлдэг. Тус тасаг нь нөхцлийн нэмэгдэлтэй тохилог палат, нөхөн сэргээх, эрчимт эмчилгээ болон хөгжлийн бэрхшээлтэй иргэдэд үйлчлэх төрөлжсөн палатуудтай. Жилдээ дундачаар 2200 хүн хэвтүүлэн эмчилж 19800 ор хоног ашигладаг. Одоо тус тасагт нь 18 эмч ажилтантай. Үүнээс их эмч 4 сувилагч 8 ажиллаж байна.



ХҮҮХДИЙН ТАСАГ

Хүүхдийн тасаг нь 1980 оны 4-р сард 120 ортойгоор анх байгуулагдсан. Одоо тус тасаг нь 50 ортой, 17 эмч ажилтантай ажиллаж байна.

Эрчимт эмчилгээ, сэхээн амьдруулахуйн тусламжийг өргөтгөн зохион байгуулж, эрчимт эмчилгээний орчин үеийн тоног төхөөрөмжөөр бүрэн тоногдсон. Тус тасаг нь төрөлжсөн сувилгааны болон тоглоомын өрөөтэй, жилдээ дундачаар 1700 хүүхэд хэвтүүлэн эмчилж 15000 ор хоног ашигладаг.



МЭС ЗАСЛЫН ТАСАГ

Мэс заслын тасаг нь Нийслэлийн ЭМГазрын шийдвэрээр 2002 оны 11-р сард 10 ортой, 6 орон тоотойгоор үйл ажиллагаагаа явуулж эхэлсэн.

Нийслэлийн хэмжээнд анх удаа дүүргийн эмнэлэгт мэс заслын тусламжийг үзүүлэх болсноор үйлчлүүлэгчдийн чирэгдлийг багасгаж эмнэлгийн тусламжийн үйлчилгээнд шинэ дэвшил гаргасан юм. Тус тасаг нь жилдээ дундачаар 135 хүнд мэс заслын эмчилгээ хийж, 1200 ор хоног ашигладаг.



АЖ АХУЙ ҮЙЛЧИЛГЭЭНИЙ ТАСАГ

Эмнэлгийн аж ахуй үйлчилгээний тасаг нь эмнэлгийн тусламж үйлчилгээг хэвийн явуулах нөхцлийг хангаж өгдөг.

Тус тасаг нь 19 ажилтантай. Нэг ээлжиндээ 150 хүнд үйлчлэх хүчин чадалтай эмнэлгийн гал тогоо өвчтөн үйлчлүүлэгч нарт эмчилгээний болон ердийн хоолоор үйлчилдэг. Эмнэлгийг цэвэр усаар хангах гүний худаг, халаалтын болон уурын тогоо бүхий уурын зуух, дезкамер, нэгдсэн угаалга, харуул хамгаалалтын хэсэгтэйгээр ажилладаг.



НЭГДСЭН ЛАБОРАТОРИ

Клиникийн болон биохимийн лабораторид 1 их эмч, 3 лаборант ажиллаж цус, шээсний болон биохимийн бүх төрлийн шинжилгээнүүдийг хийдэг.

Шинжилгээнүүдээ орчин үеийн анализаториар хийж гүйцэтгэдэг бөгөөд клиникийн лабораторид цусны болон шээсний ерөнхий шинжилгээ, нугасны ус, плеврийн шингэн, хэвлийн шингэний шинжилгээг, биохимийн лабораторид элэг бөөрний, зүрхний үйл ажиллагааны төрөлжсөн шинжилгээнүүдийг хийдэг.



ЭМИЙН БУС НӨХӨН СЭРГЭЭХ ЭМЧИЛГЭЭ

Хэвтэн эмчлүүлэгсдэд нөхөн сэргээх болон уламжлалт эмчилгээний чиглэлээр зүү төөнүүр, бүх төрлийн бариа засал, хэт ягаан туяаны шарлага, цахилгаан эмчилгээ, хөдөлгөөн-тренежер эмчилгээ зэрэг үйлчилгээг үзүүлдэг. Жилдээ дундачаар 3300 хүнд сэргээх эмчилгээг хийдэг.



ЭМИЙН САН

Тус эмнэлэгт 2-р зэрэглэлийн эмийн сан ажиллаж 200 гаруй нэр төрлийн эм, эмнэлгийн хэрэгслээр хангалт хийдэг ба 12 нэр төрлийн тарилгын ариун шингэн бэлтгэж, 7 нэр төрлийн усан эм бэлтгэж эмчилгээнд хэрэглэж байна.



ҮЙЛ ОНОШИЙН ШИНЖИЛГЭЭ

Рентген кабинетэд гэрэлд харах, зураг авах, тодотгогч бодистой зураг авах зэрэг шинжилгээнүүдийг хийдэг бөгөөд ЭХО болон өндөр хүчин чадалтай зүрхний бичлэгийн аппаратаар оношлогоог шинээр хийж байна.

Зөврийн болон суурин ЭХО аппаратаар бүрэн тоноглогдсон.



ЭРҮҮЛ МЭНДИЙН СУРГАЛТ СУРТАЛЧИЛГАА



Нэгдсэн эмнэлгийн хамт олон эмнэлгийн үндсэн тусламж үйлчилгээнээс гадна нийгмийн эрүүл мэндийн үйлчилгээг хэрэглэгчдэд хүргэх, эрүүл мэндийн үндэсний хөтөлбөрүүдийг амьдралд хэрэгжүүлэхэд бодитой хувь нэмэр оруулж байна. Иргэдийн эрүүл мэндийн боловсролыг дээшлүүлэх зорилгоор ЭМС Сурталчилгааны тэнхимийг шинээр байгуулж, үйл ажиллагааг нь тогтмолжуулсан ба сургууль хүүхдийн байгууллагуудад эрүүл мэндийг сургалтыг графикаар явуулж байна.

ХҮЛЭЭН АВАХ БА ЯАРАЛТАЙ ТУСЛАМЖИЙН ХЭСЭГ

Тус эмнэлгийн хүлээн авах хэсэг нь өвчтөн хүлээн авах өрөө, яаралтай тусламж үзүүлэх хэсэг, тусгаарлах өрөөнүүдтэй. Ээлжийн сувилагч нар ажиллаж эмнэлгийн яаралтай тусламжийг үзүүлдэг.

